

■ PCD GRISCHUNA

In gea a la solidaritad

(cp) La Partida cristiandemocratica (pcd) chantunala beneventa la clera decisiun dal suveran grischun da sa tegnair vinavant vid la taglia da cultus per persunas giuridicas. Igl è da giustifitgar che quella part da l'economia sa mussa solidaria cun las baselgias chantunalas che prestan blera lavur communizaiyla. Sustegnair solidariamain la cuminanza – cun porscher agid e cussegliaziun a quels che basegnan per propi – è eradad interess per l'economia. Per pudair extender l'activitad – ultra da la lavur voluntaria na pajabla dals commembers da las baselgias – contribueschan ils retgavs da taglia da cultus considerablmain.

Ina schleppa è il gea cunter l'immigraziun da massa

Il gea a l'iniziativa cunter l'immigraziun da massa è ina gronda schleppa per l'economia e la politica. Memia ditg han ins survesì ils problems che sa lian cun l'immigraziun. Blers avevan perquai tema e fagevan quitads. I dovra qua ina correctura effizienta. Tar realisar la basa per in'immigraziun cun mesira sto la pps formular quella

uschia ch'ella na sa fetschia betg sin donn a l'economia svizra, als plazs da lavur ed a la bainstanza.

Na a la finanziaziun privata da l'abort

Cun refusar la finanziaziun da l'abort sin basa privata han ins ditg gea a la vita naschenta, dentant na a la desolidarisaziun. Interrupziuns da la gravidanza na sa laschian betg impedir tras sancziuns, mabain cun procurar bunas perspectivas per viver. Questa iniziativa n'avev dentant impedì betg ina solia interrupziun. Ella avev era betg protegi dapli l'uffant nunnaschi, dentant mess en privel la sanadad da giuvnas dunnas cun pitschnas entradas.

FAIV porta agid a la Viafier retica

Il gea a la finanziaziun ed amplificaziun da l'infrastructura da la viafier (FAIV) segirescha era da mantegnair la Viafier retica. I sa tracta oravant tut da survegnir per ella ils meds necessaris da modernisar il material rullant e sia rait insumma. Quatras pon ins era meglierar la purschida dal traffic public en regions allontanadas.